



REPUBLIKA E KOSOVËS / REPUBLIKA KOSOVA

GJYKATA THEMELORE GJAKOVË

Numri i lëndës: 2019:075134

Datë: 17.09.2019

Numri i dokumentit: 00517095

**P. nr.71/19**

### NË EMËR TË POPULLIT

**GJYKATA THEMELORE NË GJAKOVË-Departamenti i Përgjithshëm**, Gjyqtarja **Ilirjana Hoti**, me sekretaren juridike Flutur Nagavci, në çështjen penale kundër të akuzuarit H.O. nga Gjakova, për shkak të veprës penale të vjedhjes së shërbimeve nga neni 314 par.6-1 të KPRK-së Nr.06/l-074, sipas Aktakuzës të Prokurorisë Themelore-DP në Gjakovë, PP.nr.44/19 të dt.28.01.2019, të ri kualifikuar në shqyrtimin fillestar të mbajtur më datë **13.09.2019**, në prani të Prokurorit së shtetit Bajram Kryeziu, përf. të autorizuar të dëmtuarës A.K. dhe të akuzuarit, të njëjtën ditë mori dhe publikisht shpalli ndërsa përpiloi me dt.16.09.2019 këtë:

### A K T G J Y K I M

I akuzuari **H.O.** nga Gjakova, i biri i Z. dhe i nënës R. e gjinisë S., data e lindjes..., K.Gjakovë, ka te kryer shkollën fillore, pensionist, i gjendjes se dobët ekonomike, shqiptar, shtetas i R. Kosovës, i martuar atë i 7 fëmijëve, numer personal...

### Ë s h t ë f a j t o r

Sepse :

- **ndërmjet datës së pavërtetuar e deri me dt. 08.08.2018**, në K- Gjakovës, në shtëpinë e tij, me qëllim që vetes ti sjellë përfitim pasuror në mënyrë të kundërligjshme në kundërshtim me dispozitën e nenit 61 të Ligjit për energji elektrike të Republikës së Kosovës, ka shfrytëzuar energjinë elektrike, në atë mënyrë që pas kontrollit është konstatuar se i pandehuri ka anashkaluar rrjetin elektrik me nr. ..., ku përmes kabllor është lidhur direkt në rrjetin elektrik pa matje, me këtë veprim është penguar regjistrimi i saktë i energjisë elektrike të shpenzuar, me ç' rast te dëmtuarës K.- Distrikti në Gjakovë, i ka shkaktuar dem material në shume prej 126.53 euro.

**-me çka ka kryer veprën penale të vjedhjes së shërbimeve nga neni 314 par.6-1 të KPRK-së, Nr.06/l-074**

**Andaj Gjykata në bazë te nenit 4, 7, 17 par.1, 38, 39, 46, 47 48, 69, 70, 71 dhe neni 314 par.6-1 të KPRK-së dhe nenit 365 të KPP, të akuzuarit i shqipton :**

### DËNIM ME KUSHT

Dënim me burgim në kohëzgjatje **prej 3(tre ) muajve**, i cili dënim nuk do të ekzekutohet nëse i akuzuari brenda kohës se verifikimit në afatin prej **1 (një) viti**, nuk kryen ndonjë veprë tjetër penale.

Detyrohet i akuzuari që në afat prej 15(pesëmbëdhjetë)ditëve, nga dita e plotfuqishmërisë së këtij aktgjykimi, të dëmtuarës K.-Distrikti në Gjakovë ,ti paguaj dëmin e shkaktuar në shumë prej 126.53 euro .

Detyrohet i akuzuari që ti paguaj shpenzimet procedurale te përcaktuara nga ana e gjykatës dhe në emër të paushallit gjyqësor shumë prej nga **20,00-€**, në afat prej **15** ditësh, e krejt këtë pas plotfuqishmërisë së këtij Aktgjykimi.

### **A r s y e t i m**

Prokuroria Themelore në Gjakovë, me aktakuzën PP.nr.44/19 të dt.28.01.2019 , ka akuzuar të pandehurin H.O. nga Gjakova, për veprën penale vjedhje e shërbimeve komunale nga neni 320 të KPRK-së.

Prokurori i shtetit Bajram Kryeziu, në shqyrtimin fillestar me dt.13.09.2019, lexoi aktakuzën PP.nr. 44/19 të dt.28.01.2019, me ç ‘rast deklaroi mbetet ne tërësi pranë aktakuzës, por sa i përket kualifikimit juridik te veprës penale vjedhje e shërbimeve komunale nga neni 320 te KPRK-ës, duke marr parasysh se nga dt. 14 prill 2019 ka hyre ne fuqi kodi i ri penale, ashtu qe duke aplikuar nenin 3 pra 2 te KPRK-ës për zabitin e ligjit me te favorshëm pasi qe sipas nenit 320 te Ish KPRK-ës ( kodi i vjetër ) për veprën penale me te cilën akuzohet i akuzuari parashihet dënim kumulativ-gjobë dhe burgim, ndërsa sipas kodit te ri penale vepra penal vjedhje e shërbimeve nga neni 314 /6-1 te KPRK-ës , është e dënueshme me dënim me gjobë ose me burgim , pra dënueshmëria për këtë veprë është e përcaktuar në mënyrë alternative. Andaj kodi i ri penale dhe vepra penale vjedhje e shërbimeve nga neni 314/6-1 është me e favorshme për te pandehurin, andaj edhe beje rikualifikim e veprës penale nga neni 314/6-1 te KPRK-ës ndërsa pjesa tjetër mbetet e pandryshuar.

I akuzuari H.O., në shqyrtimin fillestar duke u deklaruar lidhur me fajësinë thekson se e pranon në tërësi fajësinë sipas aktakuzës me te cilën pandehet duke i ditur edhe më parë pasojat e pranimi të fajësisë dhe atë në mënyrë vullnetare dhe pa presion me qenë se një gjendje e tillë është konstatuar nga punëtorët kompetent te K.-it, shtojë se është pënduar për këtë veprë penale të kryer për shkak te kushteve te dobëta ekonomike me qene se jetojë ne shtëpinë e një personi tjetër, të cilën shumë vetë me pare e kanë shfrytëzuar ne te cilën ka arritur borxhi ndaj të dëmtuarës K. diku mbi 12 mijë euro, e të cilën shume unë nuk jam në gjendje t’a paguajë, për çka edhe është bërë ç’kyçja, e gjithë familja varet nga një pension i imi i pleqërisë. Andaj i propozoi gjykatës qe duke marr parasysh rrethanat lehtësuese si pranimi i fajësisë, premtimi se ne te ardhmen do te jem me i kujdesshëm dhe nuk do te përsëris një veprim te tillë, gjendjen e dobët ekonomike moshën time te shtyrë te me shqiptojë një dënim me te butë.

Përfaqësuesi i autorizuar i të dëmtuarës K., A.K. deklaroi se nuk e kundërshton pranimin e fajësisë nga i akuzuari dhe parashtron kërkesë pasurore juridike.

Duke u deklaruar lidhur me pranimin e fajësisë Prokurori i shtetit Bajram Kryeziu, deklaroi se nuk e kundërshton pranimin e fajësisë pasi qe i njëjti është i vetëdijshëm për pasojat dhe favorin juridike te pranimi të fajësisë, nga vet pranimi i fajësisë është vërtetuar ne tërësi gjendja e plote dhe e drejtë faktike si në dispozitivin e aktakuzës..

Ne shqyrtimin fillestar gjykata ka vërtetuar këtë gjendje faktike:

Në tërësi u vërtetua se i akuzuari H.O.:- ndërmjet datës së pavërtetuar e deri me dt. 08.08.2018, K- Gjakovë, në shtëpinë e tij, me qëllim që vetes ti sjellë përfitim pasuror në mënyrë të kundërligjshme në kundërshtim me dispozitën e nenit 61 të Ligjit për energji elektrike të Rep.

Kosovës, ka shfrytëzuar energjinë elektrike, në atë mënyrë që pas kontrollit është konstatuar se i pandehuri ka anashkaluar rrjetin elektrik me nr. ..., ku përmes kabllos është lidhur direkt në rrjetin elektrik pa matje, me këtë veprim është penguar regjistrimi i saktë i energjisë elektrike të shpenzuar, me ç' rast të dëmtuarës K.- Distrikti në Gjakovë, i ka shkaktua dem material në shume prej 126.53 euro.

Gjykata nga të cekurat më lartë ka ardhur në përfundim se në veprimet e të akuzuarit formohen të gjitha elementet e veprës penale të përshkruara si në dispozitiv të këtij aktgjykimi dhe për këtë ka vendosur që të akuzuarin ta shpallë fajtor dhe ta gjykojë në bazë të ligjit, më parë duke vërtetuar përgjegjësisë penale juridike të tij.

Me rastin e matjes së dënimit, gjykata ka pasur parasysh të gjitha rrethanat nga neni 69 të KPRK-së, të cilat ndikojnë në zbutjen apo ashpërsimin e dënimit. Rrethana rënduese nuk gjeti ndërsa si rrethana lehtësuese gjykata ka vlerësuar personalitetin e të akuzuarit, është baba i 7 fëmijëve, moshën e tij te shtyrë, sjelljen e tij korrekte në gjykim, gjendjen e dobët ekonomike-pensionist. Ndërsa si rrethana posaçërisht lehtësuese gjykata vlerësoi pranimin e fajësisë në shqyrtimin fillestarë, shprehjen e keq ardhjes nga e dëmtuara për veprën e kryer, premtimi se një veprim i tillë nuk do të përsëritet, të cilat rrethana ndikuan që Gjykata ti zbatoi dispozitat e zbutjes së dënimit të parapara me nenin 70 të KPRK-së. Gjykata të akuzuarit i shqiptoi dënim me burg në kohëzgjatje prej 3(tre) muajve i cili dënim nuk do të ekzekutohet nëse i akuzuari brenda kohës së verifikimit në afatin prej 1(një) viti nuk kryen ndonjë vepër tjetër penale me bindje se edhe me këtë dënim do të arrihet qëllimi i dënimit i paraparë nga neni 38 dhe 47 të KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari dhe se ky sanksion do të ndikoj tek i akuzuari që në të ardhmen të mos kryej vepra penale, si dhe do të ndikoj tek të tjerët në ngritjen e moralit dhe forcimin e detyrimit për respektimin e ligjit.

Vendimi për kompensimin e demit u muar konform nenit 463 të KPPK-së.

Vendimi mbi shpenzimet procedurale është bazuar në dispozitat e nenit 450 par.1 dhe 2 nën paragrafi 2.6 të KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,**  
**P. nr.71/19 më datë 13.09.2019**

**Sekretarja juridike,**  
**Flutur Nagavci**

**Gj y q t a r j a,**  
**Ilirjana Hoti**

**KËSHILLA JURIDIKE:** Kundër këtij Aktgjykimi mund të paraqitet ankesë ,në afatin prej **15 ditësh** nga dita e marrjes së tij në dorëzim, Gjykatës së Apelit në Prishtinë. Ankesa në kopje të mjaftueshme i dorëzohet kësaj Gjykatë.